

Deo opt. max. uni & trino, Virgini Deiparæ, & sancto Lucae orthodoxorum Medicorum Patrono.

Q V Æ S T I O M E D I C A.

Cardinalitiis disputationibus manè discutienda in Scholis Medicorum, die Jovis 19. Februarii.

M. ABRAHAM THEVART, Doctore Medico, Præfide.

An recens nati nutrimum mammiis carere possint?

IN educandis alendisque recens natis, Medicum esse oportet diligentiorē, in hoc lucis rudimento positum est totius ætatis fundamentum, ipsaque infantie delicta senectutis poenis sui non infrequens. Næ recens editis apprime apta illa erit vivendi norma, si & communi naturæ voto respondeat & talem instituat victum, qui vitæ principiis congener, coctū perfacilis sit, alendoque corpori eā consuetudine junctus, ut inde pleniorē factā spirituum accessione, pulchrior enitescat habitus: hac statuta lege, nec alimento quovis foetum ali perinde est, nec lactis genus ullum parem vim habere potest in singulis ad nutriendum, quin imo infantie salus altricum mammiis ita continetur, ut nec ipsarum rore circa jacturam carere nec in hujus vicem ullum aliud suffici tutò queat.

CONSENTANEAM recens editis victus legem æstimaturus, naturæ legibus attendat, ab his discedere nefas, juxta convenientem cujusque necessitatem constitutis, ut in adultis sensum est de cibis eligendis judicium facere, tametsi ciborum proprietates penè infinitas, ratio non assequatur, sic in hac vitæ inquisitione, standum naturæ voto: votum hoc nullibi magis quam in primâ ætate conspiciendum, hæc & omni animi inductione & perturbationibus vacua, ita regitur instinctu, ut infans simul atque susceptus in lucem mammiis inhiet: Huic communi non hominum solum sed animantium legi accedit tenelli corporis ratio, quæ sibi consimilem victum efflagitat, alimentum cuique temperiei suum est, suum & robori & ætati, maxime quæ vitæ ponit initia, hæc & ventriculi & malarum robore, dentibusque destituta alimento eger, coctū facili, attrito, comminuto, affini præsertim ei quo in uteri labilibus fetus victitabat, alioquin offuturo quasi violatæ consuetudinis, & perturbationis reo.

FOETU in lucem emisso, niveum è mammiis fluit lac, ceu chylus elaboratur: mammarum glandulis constant agglomeratis, minutis, magnitudine diversis, ceu sacculis quibusdam ovi figuram æmulantibus, inter retiformes nervorum, lactis & lymphæ ductuum nexus mirabiliter constitutis, hæc valorum oscula admittunt, emittunt vero tubulos propria excernendi lactis vasa: in his mammarum angustis lactescunt succi bonæ naturæ veniâ, jugisque sit lactis secretio: tubulis illis papilla constar velut in fasciculum tandem collectis, quorum locellis veluti penu quodam ac promptuario lac asservatur per papillam mox effundendum, ut hac partium suppellectile, quantum sit in lactatu necessitatis & præsidii palam sit. Revera in uno lactatu certi aliquid auxilii esse potest, ubi nihil eorum adest quæ ad coctionis integritatem conspiciant, spiritus mucorum copiâ irretiti vix micant, laxior ventriculus vix fertur ad pabuli amplexus, latex acidulus spirituum temperatione coctionis author segnis adhuc & iners, languet & qui ipsa digestionis auxilia concitat sopitus humoris ubertate calor, ut nisi, non tam cibum quam chylus jam alibi prope confectus oggeratur, infantulis vix inde nutrimenti quidquam accedat: hoc ipsum lac est quod à chylo tam propè abest, ut si contuleris, aut utrumque putabis esse chylum aut utrumque putabis esse lac.

NON colore solum & substantiæ modo chylus & lac sibi invicem respondent, sed & mutua facilitate unius in alterum conversione, ex chylo ad mammarum ubera affluente lac citissime gignitur, nec minus expeditè tenellis infantium ventriculis ex lacte chylus producitur: quin & in ipsis uteri latebris lacteo quodam liquore ceu chyli specie foetum ali non alienum est, ut idem succus sit in uberibus à partu, qui ante fuit in utero, atque adeo ex lactatu id potissimum emergat commodi ut omne subitæ mutationis delicatulis infantium naturis semper exitiosæ discrimen avertatur. Infantes ferarum lacte nutritos memoræ proditum est, hodieque impura veneris lue infectis lac è caprarum uberibus sugendum exhibetur, quæ subsidaria & insitiva lactandi ratio licet calor & spirituum temperie nutrimum mammiis proxima, degener tamen, & incerta vix aliquot ad dentium principia perduxit, incertam facit pabuli ratio diversæ, & diversus arcanus ille substantiæ modus nutritionis fundamentum, utque nullius nutritis lac infanti nutriendo tam bellè convenit quam convenit lac maternum, sed tantum discrepat quantum discrepant naturæ atque temperie mater & nutrix, sic & lac ab animantibus petitur infantium naturæ minus est accommodatum. Sunt qui lac animantium è vase aliquo sugendum propinant, sed neque calor illa temperies vitæ principiis par retinebitur, & si retineatur, fieri vix potest quin laxato mixtionis vinculo de nativa partium quibus lac continetur proportionem aliquid decedat, partesque à se invicem si non prorsus saltem aliquatenus discedant coctioni moras allaturæ.

HOC errore tenentur multi ut arbitrentur frumenti decocto & puliculæ aut panatellæ usu recens editos ali posse, idque apud quasdam non ita remotas gentes passim usui esse: his & similibus fidem experientia detrahit, quæ partium lentore atque crassitie à chyli natura ita deficiunt ut in languentis naturæ gratiam venire nunquam possint: decoctum frumenti durius est, nec ea partium mollietie poller, aut succi pinguioris ubertate, quæ ventriculo suavis, spiritus & calorem erigat, ut inde crudior chylus acrem facile trahat alvi profluvium pariturus & in ipso sanguine febrilem æstum: haud melior puliculæ usus, hujus ea visciditas ut vix halituoso pueruli calore incidi queat, sed primis hærens viis obstruit venulas, impeditque tubos, geminatque in dies obstructionibus usque adeo alimenti præpeditur accessus, ut vix illi supersit ullus ad partes alendas commearus. Lactis è mammiis ore ducti alia ratio quod in ventriculo nutritis concoctum ulteriorem in mammiis perfectionem adeptum, vix ullâ alia alteratione indiget: ut supersit adhibendas esse nutritices quæ nutritionis munus proprio lacte cumplens quod spiritu vitæ turgidum, vitæ principiis æquabile, cibus & suavissimus est & idem facillimus ad coquendum, ut qui aliter contra egerint, à natura defecisse videantur, cui repugnare, gigantum more cum diis pugnare est.

Non ergo recens nati nutrimum mammiis carere possint.

Asserebat Parisiis JOANNES DU MESNIL, Andegavensis, Baccalaureus Medicus, A. R. S. H. 1682.

